


[www.BibleForChildren.org](http://www.BibleForChildren.org)

Xujun xi y'et'a  
Mateo 26




Nk'ie nga ndyja  
sa jun nistjin nga  
kuichú S'í Pascua,  
as'ai j'ai Jesu nanki  
Betania, má síña ni'yaha  
Lazaro, nda xi kits'ínkj'áíya  
ngáha ra ngabayoo. As'ai  
j'aiko Maria nkú ra ma  
masen litru ntá sinjne xi  
'mi nardo, xi 'yún nda ko xi 'yún  
chjí. Kui xi tsaténdzjojnúhu sjai  
Jesu ko ta kuihi ntsjaku kits'ínxijnukoho. Ixi  
kitsjehén ntá sinjne ayoo.



As'ai Judā Iscariote, nku ndā ni'yakuyá xi te joo,  
ngjisehe já nā'mi k'aku tu xi ts'iínkjas'ehen ra Jesu jóo.  
Nk'ie nga kint'é jóo éin, kama  
tsjohō kō b'a incha kitsúhu  
Judā nga tsjáha toon. As'ai  
tsangisjai niyá Judā  
xi nkú ts'ín kama  
ts'iínkjas'ehen Jesu.



As'ai kits'íntjusun já ni'yakuyóo ni  
xi kitsú Jesu. Yo incha y'énda  
nichinehe S'í Pascua. Nk'ie nga  
tíincha kjine nichinehe S'í Pascua,  
jakj'á Jesu ninkuon ko kitsjáha  
máb'achjíhi Ntiana. Tsakjanya ko  
kitsjáha já ni'yakuyóo nga b'a  
kitsúhu: —Chjúbo ko chinoo. Kui  
xu'bi xi yjonintena.



Kō tā jakj'á ch̄utsīun. Nk'ie nga ja  
kitsjáha máb'achjíhi Nt̄ianá, as'ai  
kitsjáha já ni'yakuyáha nga b'a  
kitsúhu: —S'iuyo ngatentō  
ch̄utsīin. Kui xu'bi xi jnína. Kui xi  
ngjuai ndzjoho ngandaha nkjin  
nkjún xuta tu xi kama ndyjat'aha  
ra jéhe. Jnína t̄ib'éndako tsetse  
Nt̄ianá nd'ai xi nkú ts'ín  
nda ts'íinko xuta.




'Simon, Simon, t̄asinñ̄jui. Satana tsanki nga  
k'úétsujneyán̄u xi nkú n'ehe tuniñ̄u nga kjút'ayák'unn̄u.  
T̄unga an ja tsankintjáihi nginkun Na'mīu t̄u xi t̄u nku  
s'ējihín ri an. K̄o ji, nk'ie nga sakú nga'yún ngáha ri nga  
s'ējihin an, t̄is̄inkoi já nts'ei t̄u xi t̄u nku ndjáhá kuinchaha.  
B'a kitsú Simon: —Ji nda maestru, tjínkuhu k'an nga  
kfínkoho n̄ubayá k̄o  
santaha nga  
kuayákōho. B'i kitsú  
Jesu: —Ji Pedro,  
an b'a tíxihin. Kintehe  
ni nga kjintá x̄anto  
nd'ai, b'a kuixín  
nga najmi yaní  
jan n̄iyá tjíhin.



As'ai tsichuko Jesu já  
ni'yakuyáha nku ante xi  
'mi Getsemani ko b'a  
kitsúhu: —Tintsu<sub>u</sub>bahanu  
ei. Kfín nchjako maná  
Ntjaná ján. B'i kitsú:  
—Na'mi, na'mi chí, ji xi  
mahi n'ei tu mí nihí ni.  
N'ekj'a t'axínní kjuan<sub>u</sub>ima  
xu'bi. Tunga katumahá xi  
nkú ts'ín mjehi, najmi xi  
nkú ts'ín mjena.



Kui nga Juda j'aikoho já jun ko chuba já xi kunntá ninku  
xi kits'ín nibá já na'mi k'aku ko já fariseo. Kui xi incha  
y'a nd'í ko kicha. Nku nda xi síñajihin jóo  
kits'ín'uhun nku nda musuhu nda na'mi tíjuun.  
Tsatet'a tjabaxínñju kixi. Tunga b'ahá kitsú  
Jesu: —Najmi b'a tu n'o.  
Jyu tincho. Kits'ínko  
tjabaxínñju nda musu  
nga kits'innkihi.



As'ai jakj'ánijéhe jóo Jesu kọ ngjikohọ ni'yaha nda  
na'mi tíjuun. Máha Pedro, kitsjennkí kihin Jesu.  
Nk'ie nga kíts'ín'yún nd'í  
jóo kamasehen  
natsiun, y'entut'á  
kọ Pedro ta y'ejñajihin.




Nku nda musuhu nda  
na'mi titjuun xi xinkjin  
maha nda xi Pedro  
tsatet'a tjabaxinju,  
kui xi ta kingjasjaiyaha:  
—¿A najmi kuakiehe ra  
nga ko ji kabisinjñakoi ndo  
jan ma tintje ya tuu? Tunga  
b'aha ta kitsu ngaha Pedro  
nga najmi be Jesu. Ko ta kuihi  
chubo kikjinta nku xanta. As'ai  
tsitjusje Pedro ko kikjinta'un  
kikjintante.





As'ai t̄sisintj̄en ngayjeē já t̄jixóō k̄o  
ngjikō Jesu nginkun̄ Pilatō. B'a  
kitsúhū Pilatō Jesu: —¿A ji xi ndā  
reih̄i xutā judiō? B'i kitsú Jesu:  
—B'a t̄jín ni xi t̄ibixín.  
Pilatō mjehē nga ts'jín  
ndaíh̄i Jesu kai, kui nga  
tā kinchjakohó̄ ngáha xutā  
nkjiun̄. Tunga 'yún kikjintáya  
xutō: —¡Tjat'a kruj̄ ndō!


¡Tjat'a kruj̄ ndō!




As'ai Pilato kitsjá kjuá nga  
s'et'a kruu Jesu ko\_incha  
ngjikohó jóo. As'ai tsitju  
Jesu nga y'ANJI kruuhu nga  
ngji ante xi 'mi Nintaku  
Anima, én xi tsuhu ra  
Golgota nga én hebreo.



Yo kis'et'a kruu kui koo jo sa já.  
Nku xi kis'et'a kruu nga kixihi koo  
nku nga skúhun.



Najmi ta kits'ín ndzjehen ts'íu. Ko jo tsitju nga kitiyájen najyun xi tjenchja ante xi 'yún nkjúhun ninku. As'ai 'yún kikjintáya Jesu: —Ji Na'mi, aya ntsai títs'inkjas'en animana. Nga ja b'a kitsú, as'ai k'ien.



Nk'ie nga ja tíma jyun, j'ai nku nda xi  
'mi Kuse xi nanki Arimatea nibáha,  
xi ta nda tjíxá k'aku. Ta  
tíkuyáha nistjin nk'ie nga  
kuatéxuma Ntjaná. Kui xi  
kama k'un ngjisehe  
Pilato ko tsankihi  
yjonintehe Jesu.  
As'ai ts'atse Kuse

nku najyun. Kui xi  
kik'ontikjánu yjonintehe  
Jesu, nk'ie nga kikjejen  
t'a kruu. As'ai  
ngjingjáñaya nku tixa  
tsjó xi kin'endat'á naxiu  
ko kik'ontikjá nku ndjio  
chánka nga y'échjane  
ankjua tsjóo.



N̄istjin xi ma ndyjuun, nk'ie nga j'a n̄istjin  
nk'ie nga s'enda ni xi machjén S'í

Pascua, as'ai kama ñjakú  
já n̄ami k'aku ko já fariseo  
nginkun Pilato ko b'a  
kitsúhu: —Ji nda ntia,  
f'áitsjenni nga b'a  
kitsú nda tsank'oo  
nk'ie nga tíña sa:

“Nk'ie nga kj'ua

jan

n̄istjin,  
kj'uaíya  
ngáhana  
ngabayoo.”




As'ai incha ngjisehe tsjóo.  
Nku ndjio y'échjanekoho.  
Y'échjane sisin ko  
y'entu já jun xi  
kikunntá yo.



Nk'ie nga j'a xuatu, ja tífi ma sen ngáha  
nistjin xi b'atuts'ihin ra tuntjoo,  
ngjisehee tsjoo Mariaa  
Magdalenaa ko Mariaa xinkuuu.  
As'ai tu nkuhú chón xi  
tu xí 'yúhún kama.  
Nku ntítsjehee  
Ntiana nibajen  
nk'a ján.


J'aikjexín ndjio xi  
tjíchjane ankjuaha  
tsjoo ko yo  
y'ejñasun.



Nk'ie nga\_incha kikie ntítsjee já jun xi  
tj\_incha kunntá tsjóo, tu xí\_incha  
kitsankjúhún nga\_incha  
kik'atsé. B'a\_incha  
kik'ientu xi nkúhu tsa  
ja k'ien kik'ientu.



As'ai kinchjako ntítsjee jminchjiun nga  
b'a kitsúhu: —Najmi tu binkjun.  
Be nga Jesu xi kis'et'a kruu  
tíbinchisjó. Najmi ta ei  
tíñaha. Ja kaf'áiya  
ngáha ra ngabayoo  
xi nkú nga kitsú.  
Nibáhasoo ante  
má nga kis'ejña.



As'ai tsitju kitsa kitsa jminchjún aya tsjóo.  
Títsankjún ko tsjo nkjún tímaha.  
Tsangatsanka nga ngji tsúyaha já  
ni'yakuyóo éen. Ko nga tjincha fi,  
tu yohó kisatéjin Jesu ko  
janiñaha. As'ai incha ngjik'úhun  
ko kitsubakjá sjai nga  
kits'íntsjoho.



As'ai tu chahán tsakúchjihí yjohó Jesu já ni'yakuyá xi te nkuu nk'ie nga kab'entut'á yámixó. Ndjá kinchjako at'aha najmi s'ejihin ko ndjá tjíntuyá animaha, at'aha najmi kis'ejihin ni xi kitsúyaha xi kieke Jesu nk'ie nga ja j'áíya ngáha ra ngabayoo. Nda Ntíaná Jesu, nk'ie nga ja kinchjako já ni'yakuyáha, as'ai ngjinji nk'a ján ko y'ejñat'aha Ntíaná.



'Kits'íntjo Nt̄ianá x̄ut̄a āsuntee nga  
kitsjá Ntí nku tutuh̄u t̄u xi najmi  
ndyj̄aha xi s'ējih̄in r̄a kui, nga  
t̄u sahá k'úé̄ntu t̄ík'un sín.



Xujun xi kin'ekjihu xuta ninku Roma 3:23

Tu ngat'aha nga ngayjee xuta kits'in ngatitsun, ndaha nku najmi sakuhu kjuachanka xi Ntiana tsja.

Xujun xi kin'ekjihu xuta ninku Roma 6:23

At'aha ngabayoo, kui xi chjihu ngatitsuun, tunga Ntiana tu tsjahá nga k'úentu tik'un sín xuta xi nkuhú mako Nda Ntiana Jesucristo.

Xujun xi kin'ekjihu xuta Hebreo 9:27

Xi nkú nga ts'in tijná nga ngayjee xuta tjihin nga nkuhú niyá kuayá ko askahan chasehe mí nihi xi kits'in,



Xujun xi kin'ekjíhi xuta ninku Efeso 2:8,9

Ngat'aha kjuandaha Ntiana ts'ankihinu at'aha kis'ejinnuu.  
Ntia nina tu kits'ink'ankihinnuu. Najmi jun manuu n'o ni xu'bi.  
Najmi ngat'aha ni nda xi kin'eé ts'ankihiná, tsa tu xi b'a ts'in  
tjin xi nk'a k'uasjehe yjoho.

Xujun xi kin'ekjíhi xuta ninku Roma 10:9,10

At'aha tsa tsu'bai kuitjuhu nga n'ekiei yjohi nga Jesu xi Nda  
Ntiana, ko tsa ngayjehe animahi s'eihin nga Ntiana  
kits'inkj'áiya ngaha ra Jesu ngabayoo, n'ek'ankihi.  
At'aha ajin animaha ni xuta nibaha ra nga s'eihin Ntiana, tu  
xi naxu bichu maha. Ko ts'a bitjuhu nga b'a tsu nga Jesu xi  
Nda Ntiana, tu xi n'ek'ankihi.



Xujun xi y'et'a Jua 3:16,17

'Kits'intjo Ntiana xuta asuntee nga kitsja Nti nku tutuhu tu xi najmi ndyaha xi s'ejihin ra kui, nga tu saha k'uentu tik'un sin. Ntiana najmi kits'in niba Ntiji asuntee tsa tu xi k'uejñanehe ra xuta ni xi kanéhe ngat'aha ngatitsun xi kits'in. Kits'in niba ní tu xi ts'iink'ankihi.

1 Xujun xi tjun kits'inntu nda postru Jua 5:11-13

Nga kitsjana nga kuintsuba tik'un siaan ko nga Ntiji sakujinna kjuatik'un xu'bi, kui en xu'bi xi kinchja Ntiana. Xi tijñajihin Ntiji Ntiana, kui xi tijñaha kjuatik'un. Tunga xi najmi tijñajihin Ntiji Ntiana, kui xi najmi tijñaha kjuatik'un. Kuak'iet'anuu ni xu'bi, jun xi s'ejinnuu Ntiji Ntiana, tu xi chahanu nga tijñanuu kjuatik'un xu'bi ko kuintsuba tik'un sin.



Xujun xi y'et'a Mateo 26-28;  
Xujun xi y'et'a Luca 22-24;  
Xujun xi y'et'a Jua 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Mazatec, Jalapa de Díaz NT (maj) © 2013, Wycliffe Bible  
Translators, Inc. All rights reserved.

<https://www.bible.com/bible/854/MAT.1.MAJ>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

